

BOSNA I HERCEGOVINA
FEDERACIJA BOSNE I HERCEGOVINE
Federalno ministarstvo poljoprivrede, vodoprivrede i šumarstva

P R O G R A M

novčanih podrški u poljoprivredi i ruralnom razvoju za 2015. godinu

Sarajevo, juni 2015. godine

PROGRAM

novčanih podrški u poljoprivredi i ruralnom razvoju

- | | |
|--|---|
| 1. Period realizacije Programa: | Od 01.01. do 31.12.2015. godine |
| 2. Ukupna vrijednost Programa: | 65.800.000,00 KM |
| 3. Namjena Programa: | Podrška proizvodnji kroz model poticaja proizvodnji, a plaćanja u sklopu mjera strukturne politike kroz model podrške dohotku, model kapitalnih ulaganja, model ruralnog razvoja i model ostalih strukturnih podrški. |
| 4. Korisnici Programa: | Klijenti upisani u Registar poljoprivrednih gazdinstava i Registar klijenata. |
| 5. Izvor sredstava: | Budžet Federacije Bosne i Hercegovine za 2015. godinu – Budžet Federalnog ministarstva poljoprivrede, vodoprivrede i šumarstva “Poticaj za poljoprivredu” („Službene novine Federacije BiH“, broj: 25/15). |
| 6. Nosilac Programa: | Federalno ministarstvo poljoprivrede, vodoprivrede i šumarstva. |
| 7. Odgovorno lice: | mr.sci.Šemsudin Dedić, ministar |

UVOD

Kod izrade Programa novčanih podrški u poljoprivredi i ruralnom razvoju za 2015. godinu (u daljnjem tekstu Program) Federalno ministarstvo poljoprivrede, vodoprivrede i šumarstva suočilo se sa velikim brojem neriješenih zahtjeva koji su pristigli po osnovu Programa novčanih podrški iz 2014 godine („Službene novine F BiH“ broj: 44/14, 52/14 i 104/14) i u skladu sa Pravilnikom o načinu i uslovima ostvarivanja novčane podrške po modelu poticaja proizvodnji („Službene novine F BiH“ broj: 60/14 i 75/14) i Pravilnika o uslovima i načinu ostvarivanju novčane podrške po modelu ostalih vrsta novčanih podrški u poljoprivredi („Službene novine Federacije BiH“ broj 71/14 i 89/14).

S obzirom da je iznos sredstava za mjere iz Programa novčanih podrški za 2014.godinu bio nerealno uvećan, isti je imao za posljedicu veliki broj nerealizovanih zahtjeva. Imajući ovo u vidu, Ministarstvo se opredijelilo za umanjeње iznosa novčanih podrški za najveći broj mjera kao i odabir prioriternih proizvodnji koje će biti predmet novčanih podrški u ovoj godini.

Pored toga, vodilo se računa i o sljedećem:

- preuzetim obavezama iz Sporazuma o stabilizaciji i pridruživanju (SSP-a) vezano za prilagođavanje praksi u vođenju poljoprivredne politike prema modelu Zajedničke poljoprivredne politike EU,
- aktivnostima koje su predviđene u Programu rada Vlade Federacije BiH za mandatni period 2015-2018.godina,
- slijedeći odredbe Zakona o poljoprivredi („Službene novine Federacije BiH“, br. 88/07,04/10, 27/12 i 7/13), kojima se definiraju mjere poljoprivredne politike,
- postupajući u skladu sa Zakonom o novčanim podrškama u poljoprivredi i ruralnom razvoju („Službene novine Federacije BiH“, broj 42/10),
- uvažavajući izdvajanja sredstava za podrške proizvodnji u zemljama okruženja,
- principima Srednjoročne strategije razvoja poljoprivrednog sektora u Federaciji BiH 2015-2019 (Odluka Parlamenta F BiH, broj: 01,02-24-1-780/15 od 08. 06. 2015. godine)
- rezultatima analize realizacije novčane podrške u proteklom periodu, donosimo Program kako slijedi.

POGLAVLJE I – CILJEVI I SVRHA PROGRAMA

1) CILJEVI PROGRAMA

U okviru Programa novčanih podrški u poljoprivredi i ruralnom razvoju za 2015. godinu realiziraju se mjere novčanih podrški u poljoprivredi i mjere strukturne politike koje trebaju doprinijeti ispunjavanju slijedećih ciljeva:

- povećanje ponude domaćim poljoprivrednim proizvodima uz poboljšanje kvaliteta zdravstvene i higijenske ispravnosti proizvoda u skladu sa zahtjevima potrošača;
- unapređenje uslova za bavljenje poljoprivrednom proizvodnjom s ciljem jačanja konkurentnosti na domaćem i inostranom tržištu;
- osiguranje stabilnog poljoprivrednog dohotka i omogućavanje adekvatnog životnog standarda poljoprivrednih proizvođača;
- postepene harmonizacije i integracije sektora poljoprivrede u EU i globalno tržište.

2) SVRHA PROGRAMA

Svrha ovog Programa je da se zadrže prioritete mjere kako bi osigurali realnu isplatu novčanih podrški u toku 2015. godine na osnovu planiranih sredstava iz Budžeta Federacije BiH za 2015. godinu za potrebe poljoprivrednog sektora.

POGLAVLJE II - KRITERIJI ZA RASPODJELU SREDSTAVA

Odobrena finansijska sredstva iz Budžeta Federalnog ministarstva poljoprivrede, vodoprivrede i šumarstva (u daljem tekstu: Federalnog ministarstva) pod stavkom „Poticaj za poljoprivredu“ raspoređivat će se fizičkim i pravnim licima (u daljem tekstu: klijent) prema općim i posebnim kriterijima.

1) OPĆI KRITERIJI

Pravo na podršku ostvaruje klijent koji je:

- državljanin Bosne i Hercegovine i koji ima sjedište, odnosno prebivalište na teritoriji Federacije Bosne i Hercegovine (u daljem tekstu: Federacija),
- ostvario primarnu poljoprivrednu proizvodnju, ili drugu djelatnost u Federaciji, propisanu ovim Programom,
- upisan u Registar poljoprivrednih gazdinstava, odnosno Registar klijenata,
- ispunjava posebno propisane kriterije iz ovog Programa te kriterije iz ostalih zakonskih i podzakonskih propisa iz oblasti novčanih podrški,
- ispunio posebno propisane kriterije Programa za period 01.10.2014.godine do 01.10.2015.godine kao i Pravilnika po modelu poticaja proizvodnji i Pravilnika po modelu ostalih vrsta podrški,
- ispunio posebno propisane kriterije Programa i Pravilnika tekuće godine, a koji zbog prirodnog procesa proizvodnje ili drugih propisanih kriterija ostvaruju novčanu podršku u narednoj godini,
- završio proizvodnju u 2014. godini nakon krajnjeg roka propisanog za dostavu dokumentacije za svaku pojedinu proizvodnju, a prije objave Programa za 2015. godinu, kompletnu dokumentaciju dostavlja nadležnom kantonalnom ministarstvu najkasnije u roku od 10 dana od dana stupanja na snagu ovog Programa. Dokumentacija se dostavlja u skladu sa Pravilnikom o načinu i uslovima ostvarivanja novčane podrške po modelu poticaja proizvodnji („Službene novine Federacije BiH“, broj 60/14 i 75/14). Nadležno kantonalno ministarstvo vrši obračun zahtjeva na osnovu visine sredstava propisanih Programom za 2015. godinu, nakon čega ih dostavlja Federalnom ministarstvu na dalju realizaciju. Obračunate zahtjeve za proizvodnje koje su završene do 31.12.2014.godine treba dostaviti najkasnije u roku od 30 dana od dana njihovog zaprimanja. Za proizvodnje koje su završene od 01.01. do 30.06.2015.godine Federalno ministarstvo će dostaviti instrukciju nadležnim Kantonalnim ministarstvima o postupanju u vezi s tim.
- imao nerealizovan zahtjev po modelima podrški iz Programa novčanih podrški za 2014.godinu, a isti je blagovremen, potpun i osnovan, te kojem zbog nedostatka sredstava uzrokovanih neadekvatnim planiranjem u

Programu novčanih podrški za 2014. godinu nije isplaćena novčana podrška. Isti će se realizovati u skladu sa raspoloživim sredstvima u 2015/16.godini.

- ostvari pravo u ponovljenim postupcima provedenim po pravosnažnim sudskim presudama iz oblasti novčanih podrški, odnosno po pravosnažnim rješenjima donesenim u drugostepenom postupku Federalnog ministarstva.

NAPOMENA:

- Od 01.10.2015.godine novčana podrška za proizvodnje će se ostvarivati u različitim iznosima po jedinici mjere, i to:
 - a) za fizička lica;
 - b) za poljoprivredne obrtnike;
 - c) za pravna lica
- Obračun novčane podrške za proizvođače svježeg sirovog mlijeka od 01.10.2015.godine će se vršiti po kvalitetu mlijeka u skladu sa Pravilnikom o sirovom mlijeku i po grlu.

2) POSEBNI KRITERIJI

A/ MODEL PODRŠKE PROIZVODNJI

A/1 BILJNA PROIZVODNJA

(1) Proizvodnja ratarskih, povrtlarskih, voćarskih kultura, duhana, grožđa i maslina

- a) Proizvodnja krušnih žita (pšenica i raž) –** klijent ostvaruje novčanu podršku za proizvodnju na minimalno 1ha a maksimalno za 200 ha pšenice ili raži i istu proda na domaćem tržištu;
- b) Proizvodnja stočnog ječma i tritikalea -** klijent ostvaruje novčanu podršku za proizvodnju na minimalno 1 ha a maksimalno za 100 ha stočnog ječma ili tritikala za vlastite potrebe ili za prodaju na domaćem tržištu;
- c) Proizvodnja silažnog kukuruza (za mliječne krave i tov junadi) -** klijent ostvaruje novčanu podršku za proizvodnju na minimalno 2 ha a maksimalno za 400 ha;
- d) Proizvodnja uljarica (uljana repica, suncokret i soja) –** klijent ostvaruje novčanu podršku za proizvodnju na minimalno 1 ha a maksimalno za 250 ha uljarica i istu proda;
- e) Proizvodnja povrća (paradajz, paprika, krastavac, patlidžan, mrkva, cvekla, luk, salata i mladi krompir) –** klijent ostvaruje novčanu podršku za proizvodnju na minimalno 0,5 ha a maksimalno za 20 ha povrća i istu proda;
- f) Proizvodnja grožđa i maslina -** klijent ostvaruje novčanu podršku za proizvodnju na minimalno 1,0/ ha vinograda/maslinjaka, a maksimalno za 150 ha, te isto proda;
- g) Proizvodnja voća (šljiva, jabuka, kruška, breskva, nektarina, trešnja, višnja, smokva, marelica) -** klijent ostvaruje novčanu podršku za proizvodnju na minimalno 2,0/ ha voćnjaka, a maksimalno za 250 ha, te isto proda;

- h) **Proizvodnja heljde, ljekovitog i aromatičnog bilja**- klijent ostvaruje novčanu podršku za proizvodnju na minimalno 1ha, a maksimalno za 50 ha, te isto prodaju;
- i) **Proizvodnja duhana u listu (Virdžinija i Berlejška klasa I-IV i Hercegovački ravnjak – A1, A2, A3, B1, B2 i B3)** – klijent ostvaruje novčanu podršku za proizvodnju na minimalno 0,5 ha a maksimalno za 50 ha duhana, u skladu sa Zakonom o duhanu ("Službeni glasnik BiH", broj 32/10), te isto prodaju,

(2) Proizvodnja sjemena

- a) **Proizvodnja sjemena strnih žitarica (pšenica, ječam, raž , zob, tritikale i heljda)** - klijent ostvaruje novčanu podršku ako proizvede sjeme u skladu sa Zakonom o sjemenu i sadnom materijalu poljoprivrednog bilja („Službene novine Federacije BiH“, broj 55/01 i 31/14) za maksimalno 300 ha, i isto prodaju;
- b) **Proizvodnja sjemena kukuruza, soje i suncokreta** - klijent ostvaruje novčanu podršku ako proizvede sjeme kukuruza ili soje u skladu sa Zakonom o sjemenu i sadnom materijalu poljoprivrednog bilja za maksimalno 100 ha, i isto prodaju;
- c) **Proizvodnja sjemena krompira (osnovno sjeme i sjeme I sorte reprodukcije)** – klijent ostvaruje novčanu podršku ako proizvede sjeme krompira u skladu sa Zakonom o sjemenu i sadnom materijalu za maksimalno 50 ha, i isto prodaju.

(3) Proizvodnja sadnog materijala

- a) **Deklarisane sadnice krošnjastog voća** - klijent ostvaruje novčanu podršku ako proizvede sadnice krošnjastog voća u skladu sa Zakonom o sjemenu i sadnom materijalu poljoprivrednog bilja za maksimalno 420.000 sadnica, i iste prodaju;
- b) **Deklarisane sadnice jagodičastog/bobičastog voća (malina, kupina, borovnica i brusnica)** – klijent ostvaruje novčanu podršku ako proizvede sadnice jagodičastog/bobičastog voća u skladu sa Zakonom o sjemenu i sadnom materijalu poljoprivrednog bilja za maksimalno 1.000.000 sadnica, i iste prodaju;
- c) **Deklarisane sadnice vinove loze** - klijent ostvaruje novčanu podršku ako proizvede sadnice vinove loze u skladu sa Zakonom o sjemenu i sadnom materijalu poljoprivrednog bilja za maksimalno 220.000 sadnica, i iste prodaju.

(4) Nerealizovana podrška iz 2014. godine

- a) Nerealizovani Zahtjevi klijenata iz 2014.godine po modelu poticaja proizvodnji, koji su blagovremeni, potpuni i osnovani, a kojima zbog nedostatka sredstava uzrokovanih neadekvatnim planiranjem u Programu novčanih podrški za 2014.godinu nije isplaćena novčana podrška.
- b) Nerealizovani zahtjevi klijenata iz 2014.godine po modelu poticaja proizvodnji koji su pristigli na osnovu člana 40. Pravilnika o načinu i uslovima ostvarivanja novčane podrške po modelu poticaja proizvodnji, („Službene novine Federacije BiH“, br: 60/14 i 75/14)., dodatno će se vršiti provjera ovih zahtjeva. Obračun će se vršiti na osnovu visine novčane podrške po jedinici mjere Programa novčanih podrški za 2014.godinu

„Službene novine Federacije BiH“, br: 44/14, 52/14 i 104/14), navedenog Pravilnika za svaku proizvodnju, kao i podataka iz Š-03 obrasca. Ukoliko dostavljeni obrasci Š-03 nisu u skladu sa Uredbom o jedinstvenoj metodologiji za procjenu šteta od prirodnih i drugih nesreća („Službene novine Federacije BiH“, br. 75/04, 38/06, 52/09, 56/09 i 36/14) kao ne popunjena tabela 1. i tabela 2. te ne ovjereni Š-03 od strane općinske službe, kantonalna ministarstva će zatražiti od nadležnih općinskih službi Obrasce Š-03 u skladu sa gore navedenom Uredbom kako bi se obračun novčane podrške mogao izvršiti.

A/2 ANIMALNA PROIZVODNJA

(1) Govedarska proizvodnja

- a) Proizvodnja svježeg kravljeg mlijeka** - klijent ostvaruje novčanu podršku za najmanje 500 litara a najviše za 550.000 litara mlijeka, minimalne masnoće 3,2% mjesečno, i isto proda;
- b) Proizvodnja goveđeg mesa - tov junadi** od teladi iz domaćeg uzgoja (nakon usvajanja ovog Programa i donošenja novog Pravilnika za proizvodnje bit će omogućen tov junadi od teladi iz uvoza) – klijent ostvaruje novčanu podršku za minimalno tri utovljena grla, a maksimalno za 1.000 grla u toku godine, te istu proda;
- c) Uzgoj krava prvotelki (rasplodne junice)** – klijent ostvaruje novčanu podršku za uzgoj minimalno dvije a maksimalno za 200 junica iz vlastitog stada u toku godine, s tim da služe za proširenje stada ili za prodaju;
- d) Uzgoj goveda u sistemu krava-tele**– klijent ostvaruje novčanu podršku ako u uzgoju ima minimalno 15 krava (mesne, kombinovane ili križance mesne i kombinovane pasmine goveda) i bika čisto mesne pasmine, a maksimalno za 1.000 grla u toku godine;

(2) Ovčarska i kozarska proizvodnja

- a) Proizvodnja svježeg ovčjeg i kozjeg mlijeka** – klijent ostvaruje novčanu podršku mjesečno za najmanje 300 litara a najviše za 20.000 litara ovčjeg mlijeka minimalne masnoće 5% , odnosno mjesečno za najmanje 300 litara kozjeg mlijeka a najviše za 50.000 litara minimalne masnoće 3,2%, i isto proda,
- b) Uzgoj rasplodne stoke (ovce i koze)** – klijent ostvaruje novčanu podršku ako u uzgoju ima minimalno 50 odraslih ovaca, odnosno 25 odraslih koza starijih od godinu dana, a maksimalno za 750 odraslih grla u toku godine;

(3) Svinjogojiska proizvodnja

- a) Proizvodnja svinjskog mesa - tov svinja** – klijent ostvaruje novčanu podršku ako u toku godine utovi minimalno 25 svinja od prasadi iz domaćeg uzgoja odnosno minimalno 75 svinja od prasadi iz uvoza, a

maksimalno za 8.700 svinja, te iste proda;

- b) **Uzgoj rasplodne stoke - krmača** – klijent ostvaruje novčanu podršku ako u uzgoju ima minimalno 5 rasplodnih krmača, a maksimalno za 150 krmača u toku godine;

(4) Peradarska proizvodnja

- a) **Uzgoj 18-sedmičnih pilenki** - klijent ostvaruje novčanu podršku za uzgoj minimalno 5.000 a maksimalno za 210.000 pilenki u toku godine od pilića iz domaćeg uzgoja do prelaska u fazu reprodukcije i iste proda ili ih ostavi za dalji uzgoj;
- b) **Uzgoj pilenki teške roditeljske linije** – klijent ostvaruje novčanu podršku za uzgoj minimalno 10.000 a maksimalno za 50.000 pilenki u toku godine do prelaska u fazu reprodukcije i iste proda ili ih ostavi za dalji uzgoj;
- c) **Uzgoj pilenki lake roditeljske linije**- klijent ostvaruje novčanu podršku za uzgoj minimalno 10.000 a maksimalno 50.000 pilenki u toku godine do prelaska u fazu reprodukcije i iste prodali ili ih ostavi za dalji uzgoj

(5) Pčelarska proizvodnja

- a) **Košnice pčela - uzgoj pčelinjih zajednice** – klijent ostvaruje novčanu podršku za uzgoj minimalno 20 a maksimalno za 550 pčelinjih zajednica i prodaju najmanje 10 kg meda po zajednici u toku godine.

(6) Ribarska proizvodnja

- a) **Proizvodnja/uzgoj slatkovodne ribe** – klijent ostvaruje novčanu podršku za proizvodnju minimalno 3.000 a maksimalno za 500.000 kg ribe u toku godine, te istu proda,
- b) **Proizvodnja/uzgoj morske ribe** – klijent ostvaruje novčanu podršku za proizvodnju minimalno 3.000 a maksimalno za 100.000 kg ribe u toku godine, te istu proda.

(7) Nerealizovana podrška iz 2014.godine

- a) Nerealizovani Zahtjevi klijenata iz 2014.godine po modelu poticaja proizvodnji, koji su blagovremeni, potpuni i osnovani, a kojima zbog nedostatka sredstava uzrokovanih neadekvatnim planiranjem u navedenom Programu nije isplaćena novčana podrška.
- b) Nerealizovani zahtjevi klijenata iz 2014.godine po modelu poticaja proizvodnji koji su pristigli na osnovu članu 40. Pravilnika o načinu i uslovima ostvarivanja novčane podrške po modelu poticaja proizvodnji, („Službene novine Federacije BiH“, br: 60/14 i 75/14)., dodatno će se vršiti provjera ovih zahtjeva. Obračun će se vršiti na osnovu visine novčane podrške po jedinici mjere Programa novčanih podrški za 2014.godinu „Službene novine Federacije BiH“, br: 44/14, 52/14 i 104/14), navedenog Pravilnika za svaku proizvodnju, kao i podataka iz Š-03 obrasca. Ukoliko dostavljeni obrasci Š-03 nisu u skladu sa Uredbom o jedinstvenoj metodologiji za procjenu šteta od prirodnih i drugih nesreća („Službene novine Federacije BiH“, br. 75/04, 38/06, 52/09, 56/09 i 36/14) kao ne

popunjena tabela 1. i tabela 2. te ne ovjereni Š-03 od strane općinske službe, kantonalna ministarstva će zatražiti od nadležnih općinskih službi Obrascu Š-03 u skladu sa gore navedenom Uredbom kako bi se obračun novčane podrške mogao izvršiti.

B/ MODEL PODRŠKE DOHOTKU

Zbog nedostatka novčanih sredstava nije moguće provesti mjere iz ovog modela.

C/ MODEL KAPITALNIH ULAGANJA

Zbog nedostatka novčanih sredstava nije moguće provesti mjere iz ovog modela.

D/ RURALNI RAZVOJ

Ruralni razvoj za 2015 g. - Zbog nedostatka novčanih sredstava nije moguće provesti mjere iz ovog modela, kao ni preostale zahtjeve iz 2012. godine.

E/ MODEL OSTALIH VRSTA PODRŠKI

1. Sufinansiranje premije osiguranja od mogućih šteta u poljoprivrednoj proizvodnji

1.1 Sufinansiranje premije osiguranja od mogućih šteta u poljoprivrednoj proizvodnji.

2. Sufinansiranje stručnih skupova, kongresa, simpozija, seminara i sajмова

2.1 Sufinansiranje stručnih skupova, kongresa, simpozija, seminara i sajмова

3. Realizacija projekata od značaja za Federaciju BiH

3.1. Sufinansiranje troškova penzionog i zdravstvenog osiguranja za registrovane poljoprivredne obrte.

3.2. Realizacija Programa novčanih podrški u poljoprivredi i ruralnom razvoju

3.3. Sufinansiranje izlaganja na manifestacijama od značaja za poljoprivredni sektor

4. Organizovanje poljoprivrednika (zadruga, udruženja, savezi,).

4.1. Sufinansiranje troškova realizacije aktivnosti poljoprivrednih zadruga, udruženja i saveza

5. Sufinansiranje troškova standardizacije proizvoda/proizvodnje

5.1 Sufinansiranje uvođenja i certifikacije standarda u poljoprivredi i prehrambenoj industriji

6. Sufinansiranje poljoprivredno-prehrambenih proizvoda orijentisanih za

izvoz

6.1. Proizvodnja orijentisana izvozu, stvaranje ambijenta za izvoz domaćih poljoprivredno prehrambenih proizvoda otkupljenih od domaćih proizvođača).

6.2. Nerealizovane podrške iz Programa novčanih podrški za 2014. godinu.

- Nerealizovani zahtjev klijenta iz 2014.godine po modelu ostalih vrsta podrški koji je blagovremen, potpun i osnovan, a kojem zbog nedostatka sredstava uzrokovanih neadekvatnim planiranjem u navedenom Programu nije isplaćena novčana podrška za Mjeru podrške, prodaje, potrošnje i posebnih interventnih mjera, mjera podrške ulasku domaćih proizvoda u trgovačke centre (proizvodnja orijentisana izvozu, stvaranje ambijenta za izvoz domaćih poljoprivredno – prehrambenih proizvoda otkupljenih od domaćih proizvođača).

7. Sredstva tekuće rezerve

7.1. Sredstva tekuće rezerve koristit će se u skladu sa članom 21. stav (2) Zakona o novčanim podrškama u poljoprivredi i ruralnom razvoju za različite programe pokretanja proizvodnje, poticanje jesenske ili proljetne sjetve i slične mjere koje nisu obuhvaćene ostalim modelima, za koje u Programu nisu planirana sredstva ili za namjene za koje se tokom godine pokaže da za njih nisu utvrđena dovoljna sredstva, jer ih pri planiranju Programa nije bilo moguće predvidjeti.

F/ SUDSKE PRESUDE I RJEŠENJA PO ŽALBAMA

Novčane podrške-ostvareno pravo u ponovljenim postupcima provedenim po pravosnažnim sudskim presudama u oblasti novčanih podrški iz prethodnih godina i pravosnažnim rješenjima donesenim u drugostepenom postupku po žalbama

POGLAVLJE III – VISINA I RASPODJELA SREDSTAVA

Sredstva odobrena Budžetom Federacije BiH za 2015. godinu iznose 65.800.000 KM i raspodijelit će se u skladu sa Programom na slijedeće oblasti:

Tabela 1. Raspodjela sredstava za biljnu proizvodnju

A/1			BILJNA PROIZVODNJA			
A/1-1		Proizvodnja ratarskih, povrtlarskih kultura, voćarskih kultura, grožđa i maslina	KM po jed. mjere	Min.u ha/kom	Maksimaln o u ha/kom	Potrebno u KM
	1.	Proizvodnja krušnih žita (pšenica i raž)	500/ha	1	200	
	2.	Proizvodnja ječma i tritikalea	350/ha	1	100	
	3.	Proizvodnja silažnog kukuruzna	300/ha	2	400	
	4.	Proizvodnja uljarica (uljana repica, suncokret i soja)	400/ha	1	250	
	5.	Proizvodnja heljde, ljekovitog i aromatičnog bilja	400/ha	1	50	
	6.	Proizvodnja povrća	2000/ha	0,5	20	
	7.	Proizvodnja grožđa i maslina	900/ha	1	150	
	8.	Proizvodnja voća	900/ha	2	250	
	9.	Proizvodnja duhana u listu -Virdžinija , Berlej i Hercegovački ravnjak)	1.500/ha	0,5	50	
A/1-2		Proizvodnja sjemena				
	10.	Proizvodnja sjemena strnih žitarica	800/ha	-	300	
	11.	Proizvodnja sjemena kukuruza, soje i suncokreta	800/ha	-	100	
	12.	Proizvodnja sjemena krompira (osnovno sjeme)	1700/ha	-	50	
	13.	Proizvodnja sjemena krompira (sjeme I sorte reprodukcije)	1300/ha	-	50	
A/1-3		Proizvodnja sadnog materijala				
	14.	Deklarirane sadnice krošnjastog voća	0,45/kom	-	420.000	
	15.	Deklarirane sadnice jagodičastog/bobičastog voća	0,35/kom	-	1.000.000	
	16.	Deklarisane sadnice vinove loze	0,45/kom	-	220.000	
A/1-4		Nerealizovane podrške iz 2014. godine				
	17.	Nerealizovani zahtjevi iz 2014. godine na osnovu redovnih proizvodnji				
	18.	Nerealizovani zahtjevi iz 2014. godine na osnovu člana 40. Pravilnika				
		SVEGA: A/1-1,A/1-2,A/1-3 i A/1-4				12.300.000,00

--	--	--	--	--	--	--

Tabela 2. Raspodjela sredstava za animalnu proizvodnju

A/2	Br.	ANIMALNA PROIZVODNJA				
A/2-1		Govedarska proizvodnja	KM/jed. mjere	Min. u lit/grlo/kg/kom	Maks. u ha/kom	Potrebno u KM
	1.	Proizvodnja svježeg kravljeg mlijeka	0,30/l	500 mj.	550.000 mj.	
	2.	Proizvodnja goveđeg mesa – tov junadi	450/grlu	3	1000	
	3.	Uzgoj rasplodne stoke - rasplodnih junica	450/grlu	2	200	
	4.	Uzgoj goveda u sistemu krava – tele	450/grlu	15	1000	
A/2-2		Ovčarska i kozarska proizvodnja				
	5.	Proizvodnja svježeg ovčjeg mlijeka	0,30	300 mj.	20.000 mj.	
	6.	Proizvodnja svježeg kozjeg mlijeka	0,30	300 mj.	50.000 mj.	
	7.	Uzgoj rasplodne stoke (ovce)	35/grlu	50	750	
	8.	Uzgoj rasplodne stoke (koze)	35/grlu	25	750	
A/2-3		Svinjogojaska proizvodnja				
	9.	Proizvodnja svinjskog mesa – tov svinja	60/grlu	25/75	8.700	
	10.	Uzgoj rasplodne stoke - krmača	150/grlu	5	150	
A/2-4		Peradarska proizvodnja				
	11.	Uzgoj 18-sedmičnih pilenki	0,35 /kljunu	5.000	210.000	
	12.	Uzgoj matičnog jata – pilenki teške roditeljske linije	1,20 /kljunu	10.000	50.000	
	13.	Uzgoj matičnog jata – pilenki lahke roditeljske linije	1,20 /kljunu	10.000	50.000	
A/2-5		Pčelarska proizvodnja				
	14.	Košnice pčela, uzgoj pčelinjih zajednica	15/koš	20	550	
A/2-6		Ribarska proizvodnja				
	15.	Proizvodnja/uzgoj slatkovodne ribe	1,25/kg	3.000	500.000	
	16.	Proizvodnja/uzgoj morske ribe	1.25/kg	3.000	100.000	

A/2	Br.	ANIMALNA PROIZVODNJA				
A/2-7		Nerealizovani zahtjevi iz 2014. godine na osnovu redovnih proizvodnji				
	17.	Nerealizovani zahtjevi iz 2014. godine na osnovu redovnih proizvodnji				
	18.	Nerealizovani zahtjevi iz 2014. godine na osnovu člana 40. Pravilnika za proizvodnje				
		SVEGA: A/2-1, A/2-2, A/2-3, A/2-4, A/2-5, A/2-6 i A/2-7				50.000.000,00
		UKUPNO : A/1 + A/2				62.300.000.00

B/ MODEL PODRŠKE DOHOTKU

Tabela 4. Raspodjela sredstava po modelu podrški dohotku

B/	Vrsta podrške	KM/članu
	Nekomercijalno obiteljsko poljoprivredno gazdinstvo - Zbog nedostatka novčanih sredstava nije moguće provesti mjere iz ovog modela.	00,00
	SVEGA B	00,00

C/ MODEL KAPITALNA ULAGANJA

Tabela 5. Raspodjela sredstava za podršku investicionim ulaganjima

C/	Vrsta podrške	Iznos u (KM)
	Kapitalne investicije - Zbog nedostatka novčanih sredstava nije moguće provesti mjere iz ovog modela.	0,00
	SVEGA C:	0,00

D/ MODEL RURALNOG RAZVOJA

Tabela 6. Raspodjela sredstava podrške za ruralni razvoj

D/	Br	Vrsta podrške	Iznos u (KM)
	1.	Ruralni razvoj za 2015 g. - Zbog nedostatka novčanih sredstava nije moguće provesti mjere iz ovog modela, kao ni preostale zahtjeve iz 2012. godine	0,00
		SVEGA D:	0,00

E/ MODEL OSTALIH VRSTA PODRŠKI

Tabela 7. Model ostalih vrsta podrški

E/	Br.	Ostale vrste podrški	Ukupno KM
	1.	Sufinansiranje premije osiguranja od mogućih šteta u poljoprivrednoj proizvodnji	
	1.1	Sufinansiranje premije osiguranja od mogućih šteta u poljoprivrednoj proizvodnji	90.000,00
	2.	Sufinansiranje stručnih skupova, kongresa, simpozija, seminara i sajмова	
	2.1	Sufinansiranje oranzivanja stručnih skupova, kongresa, simpozija, seminara, sajмова iz oblasti poljoprivredno-prehrambenog sektora	80.000,00
	3.	Realizacija projekata od značaja za Federaciju BiH	
	3.1	Sufinansiranje troškova po osnovu penzionog i zdravstvenog osiguranja za registrovane poljoprivredne obrte	1.500.000,00
	3.2.	Realizacija Programa novčanih podrški u poljoprivredi i ruralnom razvoju	250.000,00
	3.3.	Sufinansiranje izlaganja na privrednim manifestacijama od značaja za poljoprivredni sektor	70.000,00
	4.	Organiziranje poljoprivrednika (zadruga, udruženja i saveza)	
	4.1.	Sufinansiranje troškova realizacije aktivnosti zadruga	100.000,00
	4.2.	Sufinansiranje troškova realizacije aktivnosti udruženja	
	4.3	Sufinansiranje troškova realizacije aktivnosti saveza	
	5.	Sufinansiranje troškova standardizacije proizvoda/proizvodnje	
	5.1.	Sufinansiranje uvođenja i certifikacije standarda u poljoprivredi i prehrambenoj industriji	70.000,00
	6.	Sufinansiranje poljoprivredno-prehrambenih proizvoda orijentisanih za izvoz	
	6.1	Proizvodnja orijentisana izvozu, stvaranje ambijenta za izvoz domaćih poljoprivredno-prehrambenih proizvoda otkupljenih od domaćih proizvođača	1.100.000,00
	6.2.	Nerealizovane podrške iz 2014. godine (nerealizovani zahtjevi iz Programa novčanih podrški za 2014 godinu na osnovu Pravilnika po modelu ostalih vrsta podrški (proizvodnja orijentisana izvozu, stvaranje ambijenta za izvoz	

		domaćih poljoprivredno – prehrambenih proizvoda otkupljenih od domaćih proizvođača).	
	7.	Sredstva tekuće rezerve	140.000,00
		SVEGA E:	3.400.000,00

F/ SUDSKE PRESUDE I RJEŠENJA PO ŽALBAMA

Tabela 7. Sudske presude i rješenja po žalbama

F/	Br.	Sudske presude i rješenja po žalbama	Ukupno u KM
	1.	Novčane podrške-ostvareno pravo u ponovljenim postupcima provedenim po pravosnažnim sudskim presudama u oblasti novčanih podrški iz prethodnih godina i pravosnažnim rješenjima donesenim u drugostepenom postupku po žalbama	100.000,00
		SVEGA F/	100.000,00
SVEGA: A+B+C+D+E+F			65.800.000,00

POGLAVLJE IV- IZVOR SREDSTAVA

Izvor sredstava za realizaciju Programa je Budžet Federacije Bosne i Hercegovine za 2015. godinu („Službene novine Federacije BiH“, broj: 25/15) u kojem je na poziciji „Poticaj za poljoprivredu“ utvrđen iznos od 65.800.000 KM

O B R A Z L O Ž E N J E

I. PRAVNI OSNOV

Članom 28. Zakona o poljoprivredi („Službene novine Federacije BiH“, broj 88/07 i 04/10) propisano je da su mjere novčanih podrški u poljoprivredi poticajna sredstva iz Budžeta Federacije Bosne i Hercegovine koja obuhvaćaju poticaje proizvodnji i plaćanja u sklopu mjera strukturne politike.

U skladu sa članom 4. st. (1) i (2) Zakona o novčanim podrškama u poljoprivredi i ruralnom razvoju („Službene novine Federacije“, broj 42/10) Federalno ministarstvo će izvršiti odabir prioriteta, visinu sredstava za pojedine modele, opće i posebne kriterije za njihovo ostvarivanje te druge posebne uslove i dostaviti Odluku Vladi Federacije BiH nakon pribavljanja mišljenja (saglasnosti) nadležnih odbora Parlamenta Federacije BiH, Odbor za poljoprivredu Predstavničkog doma Parlamenta Federacije BiH razmatrao je Nacrt Programa novčanih podrški na 4. sjednici održanoj 12.06.2015. godine gdje je donesen Zaključak da je Nacrt programa novčanih podrški u poljoprivredi i ruralnom razvoju za 2015. godinu dobra osnova za izradu prijedloga, s tim da se zadužuje Federalno ministarstvo poljoprivrede, vodoprivrede i šumarstva da u izradi prijedloga ugradi sve, realno moguće, prijedloge, primjedbe i sugestije iznesene na odboru kao i prijedloge federalnih udruženja i drugih povezanih institucija. Što se tiče zaključka Odbora za poljoprivredu Doma naroda Parlamenta Federacije BiH, isti još uvijek nije formiran.

Pravni osnov za donošenje Odluke o usvajanju Programa utroška sredstava s kriterijima raspodjele sredstava „Poticaj za poljoprivredu“ utvrđenih Budžetom Federacije Bosne i Hercegovine za 2015. godinu sadržan je u odredbama čl. 30. Zakona o izvršenju Budžeta Federacije Bosne i Hercegovine za 2015. Godinu („Službene novine Federacije BiH“ broj : 25/15) kojim je propisano da će se sredstva utvrđena u razdjelu 24. Budžeta pozicije „Poticaj za poljoprivredu“ koristiti prema programu koje donosi Vlada F BiH.

U skladu sa Srednjoročnom strategijom razvoja poljoprivrednog sektora u Federaciji Bosne i Hercegovine za period 2015-2019. godini su uvedene mjere koje su razrađene i planirana je realizacija u 2015. godini.

II. RAZLOZI ZA DONOŠENJE

U okviru Programa novčanih podrški za 2015. godinu nastavilo se s primjenom Zakona o novčanim podrškama u poljoprivredi i ruralnom razvoju Federacije BiH („Službene novine Federacije BiH“, broj 42/10), na osnovu kojih su obuhvaćene potpore u sklopu mjera poticanja proizvodnje i plaćanja u sklopu mjera strukturne politike.

Sredstva predviđena Budžetom Federacije BiH za novčane podrške u poljoprivredi i ruralnom razvoju za 2015. godinu zasigurno nisu dovoljna da bi obuhvatili sve proizvodnje iz modela poticaja proizvodnji (Dodatak II. Zakona o novčanim podrškama u poljoprivredi i ruralnom razvoju).

Zbog nedovoljno izdvojenih sredstava za poljoprivredu u Budžetu za 2015. i nerealizovanih zahtjeva iz 2014. godine, nisu se bila u mogućnosti planirati sredstva u Programu novčanih podrški za modele potpore dohotku, model kapitalnih ulaganja kao i model ruralnog razvitka. U skladu sa Zakonom smo uveli za sve proizvodnje minimalne i maksimalne količine kako bismo zaštitili iznos sredstava koji je dodijeljen za poljoprivredu.

Podrške proizvodnji

Biljna proizvodnja

Imajući u vidu značaj biljne proizvodnje zadržali smo mjere koje su bile u prethodnom periodu uvažavajući nerealizovane zahtjeve i iznos koji je na raspolaganju u ovoj godini. Potpora za proizvodnje (silazni kukuruz, ječam i tritikale) predstavlja dodatnu podršku poljoprivrednim proizvođačima i koja direktno utječe na proizvodnu cijenu proizvoda u okviru animalne proizvodnje.

Kao i u prošloj godini zadržali smo i za ove proizvodnje isti način podrške, tj. podrške po hektaru, što je u skladu sa Zakonom o novčanim podrškama u poljoprivredi i ruralnom razvoju.

Potpota proizvodnji uljarica je mjera koja se redovno nalazi u programima novčanih podrški, ne samo zbog proizvodnje ulja, već i zbog stalnog rasta potražnje za suproizvodima (sojina i suncokretova sačma) neophodnih u proizvodnji koncentriranih krmiva odnosno gotovih krmnih smjesa. Proizvodnja uljarica je važna i zbog smanjenja vanjskotrgovinskog debalansa jer se najvećim dijelom uljarice uvoze.

Proizvodnja povrća je vrlo važna za poljoprivredu Federacije BiH zbog toga što omogućava da se s razmjerno male površine zemljišta ostvari dohodak koji omogućava opstanak gazdinstva. Pored toga radi se o radno intenzivnoj djelatnosti koja može uposliti dosta radne snage u ruralnim područjima i zbog toga je ove godine zadržana ova mjera.

Potpota proizvodnji grožđa i voća je također zadržana jer imamo osigurano tržište i mogućnost daljeg razvoja ove proizvodnje.

Proizvodnja heljde, ljekovitog i aromatičnog bilja važna je radi toga što ova proizvodnja uspijeva i na manje povoljnim područjima, aktivira neobrađene površine i ima unaprijed osigurano tržište. Po izvještajima vanjsko-trgovinske komore, veći dio ovih proizvoda se izvozi, što doprinosi smanjenju trgovinskog deficita s inozemstvom.

Kako proizvodnja duhana u našoj zemlji ima dugu tradiciju, kao i naša saznanje da je domaća duhanska industrija u najvećoj mjeri bazirana na uvoznom duhanu, Ministarstvo se i ove godine odlučilo podržati ovu proizvodnju. S obzirom na potrebu poštovanja direktive Evropske komisije vezano za duhan tj. potrebno je uskladiti našu poljoprivrednu politiku sa zajedničkom poljoprivrednom politikom (CAP), koja propisuje prestanak izdvajanja potpore za duhan, u narednom razdoblju. Ministarstvo će početi primjenjivati navedenu Direktivu i postupno umanjivati novčane podrške za ovu proizvodnju, kako bi se poručilo proizvođačima da trebaju razmišljati o preorijentisanju na druge vidove proizvodnje, ukoliko žele ostvarivati podršku kod ovog ministarstva.

Proizvodnja sjemena i sadnog materijala predstavlja osnov biljne proizvodnje, međutim zbog ograničenih sredstava u Programu novčanih podrški za 2015. godinu djelom je umanjen iznos, ali su zadržane mjere za proizvođače sjemena i sadnog materijala.

Animalna proizvodnja

Proizvodnja kravljeg mlijeka je najzastupljenija poljoprivredna proizvodnja u strukturi poljoprivrednih gospodarstava Federacije BiH i ova proizvodnja povlači najviše sredstava iz Programa novčanih podrški. To je prezentirano i kroz dokument Strategija povećanja konkurentnosti i privlačenja ulaganja u vrijednosne lance mlijeka i mliječnih proizvoda i voća i povrća u Federaciji Bosne i Hercegovine (2014-2020) („Službene novine Federacije BiH“ br.1/15)

Proizvodnja kravljeg mlijeka jedna od rijetkih proizvodnji koja je imala kontinuiranu budžetsku podršku iako prosječna proizvodnja mlijeka po kravi je još uvijek daleko od europskog prosjeka proizvodnje. Mljekarska industrija ostvaruje značajne pozitivne rezultate, proizvodni program je proširen i u osnovi ne zaostaje za državama u okruženju. Izvoz u ukupnoj preradi mlijeka učestvuje sa oko 33% i postao je značajna razvojna komponenta primarne proizvodnje mlijeka.

Imajući u vidu sve ove pokazatelje, kao i činjenicu odobravanja, odnosno stavljanja Bosne i Hercegovine na listu zemalja iz kojih se može izvoziti termički obrađeno mlijeko i mliječni proizvodi u Evropsku uniju, odlučili smo se zadržati iznos novčane podrške u visini iz prethodne godine, s tim da će se od 01.10.2015. godine za ovu mjeru uvesti novčana podrška po kvaliteti (klasama) mlijeka, a u skladu sa Srednjoročnom strategijom razvoja poljoprivrednog sektora u Federaciji BiH za period 2015-2019. godina uvodi se i podrška po grlu.

Pored navedenih razloga za zadržavanje prošlogodišnjeg nivoa podrške do 01.10.2015. godine, kada se planira uvesti podrška po kvaliteti mlijeka, jedan od razloga je i izostanak kontinuirane podrške proizvođačima mlijeka kroz strukturne mjere novčanih podrški koje pored ostalog utiču na poboljšanje kvaliteta mlijeka (higijenski paket) kroz nabavku opreme, laktofriza, izmuzišta, izgradnje namjenskih objekata i sl.). Smatramo da će navedeno ograničeno zadržavanje pomenutog vida i nivoa podrške do uvođenja novog bitno uticati u ovom prelaznom periodu da se poljoprivredni proizvođači pripreme za proizvodnju kvalitetnijeg mlijeka za što se očekuje povećanje produktivnosti grla, kvaliteta mlijeka, broja postojećih muznih grla, kao i osiguranje uslova za značajniji izvoz u zemlje okruženja odnosno u zemlje EU.

Zadržali smo podršku za proizvodnju ovčjeg i kozjeg mlijeka jer za ovu proizvodnje vlada veliki interes na tržištu Bosne i Hercegovine pa i šire. S obzirom na zemljišne resurse, konfiguraciju terena i klimatske uvjete u našoj zemlji, ovčarstvo i kozarstvo predstavlja jednu od perspektivnijih proizvodnji u ovakvim uvjetima, tako da je ove godine predviđena podrška za osnovno stado ovaca i koza.

Proizvodnja goveđeg i svinjskog mesa te proizvodnja u sistemu krava-tele su proizvodnje koje se redovno podržavaju i proširuju i koje pokazuju svake godine povećan broj proizvođača koji se opredjeljuju za ovu proizvodnju. Imajući u vidu količine mesa koje se uvoze u BiH zadržali smo podršku za ove proizvodnje kako bi animirali što veći broj poljoprivrednika da se bave ovom proizvodnjom, kako bi koliko toliko izvršili supstituciju ovih proizvoda u BiH. Za proizvodnju goveđeg mesa se pružaju dodatne mogućnosti i iz razloga osiguranog tržišta, odnosno izvoza 15. hiljada tona mesa u Republiku Tursku. U ovoj godini se pored podrške tova junadi iz domaćeg uzgoja uvodi se podrška i za tova junadi od teladi nabavljene iz uvoza s obzirom da ga nemamo dovoljno u našoj zemlji, a ima za cilj da se uvoze žive životinje za tova umjesto uvoza zamrznutog mesa koje se koristi u prehrambenoj industriji u našoj zemlji. Na ovaj način se povećava dodatna vrijednost proizvoda, sredstva se akumuliraju i ostaju u našoj zemlji, a generalno se smanjuje uvoz, pogotovo uvoz zamrznutog mesa.

Kada se radi o uzgoju rasplodnih grla koja se odnosi na rasplodne junice i rasplodne krmače i dalje podržavamo ove proizvođače u nadi da će se povećati broj uzgajivača ovih rasplodnih grla što predstavlja i naš krajnji cilj.

Peradarska proizvodnja se u proteklom periodu kretala uzlaznom putanjom što se pozitivno odrazilo na smanjene količine uvezenog pilećeg mesa iz susjednih zemalja kao i zemalja EU. Iz navedenih i drugih pozitivnih primjera kada se radi o peradarstvu, ova proizvodnja zasigurno zaslužuje veću pažnju i značajniju novčanu podršku ovog ministarstva. Peradarska proizvodnja je jako razvijena u pojedinim kantonima i oni u kontinuitetu pokazuju da potiču ovu proizvodnju. Također je važno napomenuti da je ova proizvodnja zaštićena od prekomjernog uvoza ove sirovine (uvoznom carinom na granici), i da je kao takva konkurentnija na tržištu u odnosu na druge grane poljoprivrede. U ovom programu mi nastavljamo sa podrškom uzgoja 18-sedmičnih pilenki, pilenki teških i lakih roditeljskih linija.

Pčelarska proizvodnja također predstavlja značajnu granu u poljoprivredi i zbog toga se ova proizvodnja redovno nalazi u Programu novčanih podrški. Zbog otežanih uslova pčelarenja i visine troškova koje imaju pčelari, Ministarstvo je ove godine u Programu nastavilo sa podrškom po košnici uz zadržavanje ranije utvrđenog referentnog prinosa koji pčelari trebaju ostvariti da bi dobili novčanu podršku.

S obzirom na nepovoljnu situaciju u kojoj se nalazi Bosna i Hercegovina kada se radi o izvozu poljoprivrednih proizvoda u zemlje EU, Ministarstvo je zauzelo stav da uzgoj ribe i dalje treba podržavati kroz Program novčanih podrški, jer je to jedna od rijetkih proizvodnji koja ima dozvolu za izvoz u zemlje EU, kako zbog velike konkurencije na tržištu EU i održavanja postojećeg nivoa izvoza tako i zbog njegovog povećanja.

Mjere strukturne politike

Kapitalna ulaganja

Zbog nedostatka novčanih sredstava, model kapitalnih ulaganja nije obuhvaćen ovim Programom.

Potpore ruralnom razvoju

Zbog nedostatka novčanih sredstava nije moguće provesti mjere iz ovog modela.

Potpore dohotku

Model potpore dohotku također nije obuhvaćen ovim Programom iz istog razloga kao i za kapitalne investicije i potpore ruralnom razvoju.

Ostale vrste podrški

U okviru modela Ostalih vrsta podrški predviđene su najvećim dijelom one mjere koje su bile predviđene i u prethodnom periodu.

S obzirom na nepredviđene vremenske prilike u našoj zemlji ovim Programom data je mogućnost poljoprivrednim proizvođačima da osiguraju poljoprivrednu

proizvodnju na gazdinstvima na način da im se sufinansira premija osiguranja od mogućih šteta u poljoprivrednoj proizvodnji.

Pored toga Federalno ministarstvo poljoprivrede, vodoprivrede i šumarstva planira podržavati Sufinansiranje stručnih skupova, seminara i sajмова; Realizacija projekata od značaja za Federaciju Bosne i Hercegovine. Važno je istaći da je uvedena nova mjera Sufinansiranje penzionog i zdravstvenog osiguranja lica koje se registriraju kao obrt u poljoprivredi kako bi se što veći broj poljoprivrednika uveo u sistem te istima obezbijedila mogućnost uplate zdravstvenog i penzionog osiguranja. Na ovaj način želimo potaći zapošljavanje naših poljoprivrednih proizvođača, kako bi imali bar približno jednak i dugoročno riješen svoj radno-pravni status kao što je to u drugim sektorima.

Organizovanje poljoprivrednika (zadruga, udruženja i savezi); Sufinanciranja troškova standardizacije proizvoda/proizvodnje, s obzirom da je veliki broj poljoprivrednih proizvođača u našoj zemlji ostvario značajnu poljoprivrednu proizvodnju, a problem za plasman proizvoda na domaćem i inozemnom tržištu predstavljaju i nedostatak valjanih certifikati kojim dokazuju poštivanje određenih standarda, i ove godine je u Program uvrštena ova mjera.

S tim u vezi, zadržali smo i određene mjere tržišno-cjenovne politike koje bi trebale da osiguraju stabilnost cijena osnovnih poljoprivrednih proizvoda kroz stimulaciju proizvodnje orijentiranih izvozu.

II. FINANSIJSKA SREDSTVA

Za realizaciju ove Odluke, odnosno Programa, Budžetom Federacije BiH, Federalnom ministarstvu poljoprivrede, vodoprivrede i šumarstva predviđena su sredstva u ukupnom iznosu od 65.800,000,00 KM)

Da bi se povećala poljoprivredna proizvodnja i nastavio investicijski ciklus na poljoprivrednim gazdinstvima te u potpunosti ispunile obaveze iz Zakona o novčanim podrškama u poljoprivredi i ruralnom razvoju, u narednom periodu bi bilo potrebno osigurati budžetsku podršku u skladu sa Srednjoročnom strategijom razvoja poljoprivrednog sektora u Federaciji Bosne i Hercegovine za period 2015-2019. godina.